



太谷縣志

齊 谷
縣 赤

東國力年歲
遠歷來國邑

新修太谷縣志序

民國七年秋余來守太谷入其境見村落闐密有民物殷阜之象至其邑見闐闐輻輳有崇墉比櫛之美及與此邦人士接談兼討求其掌故知人才輩出邑多善士而不慮夫難治市肆鱗集術尙計然而不較及毫末洵風淳俗厚泱泱乎猶有陶唐氏之遺焉惟是庶富之餘競尙禮讓儀文不免於繁縟寬裕之家踵事奢華用度胥流於侈靡有識者怒焉憂之余適於斯時莅宰斯邑爲因地制宜因時施政之計於固有之道德則保存之於習俗之偏畸則補救之然卒以棉力未克收效於萬一荏苒九載毫無建樹所恃

太谷縣志序

太原德和信代印

以維持現狀幸無大隕越者皆地方人士之力也因念縣之志猶國之史凡一縣之興替政治之因革繫焉苟不詳審夫紀載何以昭示于來茲矧自有清光緒十二年志之不修歷寒暑三十有八矣中間國體之變更制度之改革人事之升沉天時之警告以及典章文物尤不可不詳加蒐輯以爲一邑文獻之徵爰於民國十三年設立志局議定體例自光緒十二年至於清末則敦請孫子弼予以爲之續誤者剔之缺者補之例仍其舊義取其嚴都爲續稿八卷續稿甫脫余亦去職自民國紀元至於今則由繼任縣事者劉公小瀛延胡子瑞五參照省頒條例以廣其成計共全書八

卷以方輿冠其首而以外編次其末蓋距余去已三年矣書成將付梓經理局事者徵序於余余惟太谷之在曩昔爲殷箕子晉處父故邑忠孝義烈之流科第仕宦之盛炳旂常而光里閭者於他邑爲獨著至持籌握算善億屢中講信耐勞尤爲谷人特色自有明迄於清之中葉商賈之迹幾遍行省東北至燕奉蒙俄西達秦隴南抵吳越川楚儼然操全省金融之牛耳觀鳳山之清奇象水之澌澌猶令人羨慕山川疆域之鍾靈而想見當日之勝况詎有清咸同以還國運日蹙谷人之牽車牛遠服賈於俄蒙地者損折大半近年毒逾鴉片之藥品接踵東來致多數人之精神資產胥

太谷縣志

序

一

太原德和信代印

消耗無形此則都人士女所宜引爲深戒而今後之官斯土者尤當憂勤惕勵開民生之源申逸欲之防者也誠能嚴定教條力祛侈靡合民勞則思之古訓啟魯變至道之端倪則規復舊觀固不難矣是爲序

民國十九年歲次庚午孟冬上游簡任職升用河北官產總處處長前署太谷縣知事垣曲安恭已撰

新修太谷縣志序

太谷之有縣志也，胤始於前明萬歷，訖有清一代重修者凡六七作。今所存只王郭章趙四志，其上焉者則久成廣陵散矣。予宰谷後，案牘之餘，間徵文獻，知前任縣長安公僑乙曾稟呈省府開局重修。其時董局事者爲孟君石賓，王編輯者爲孫君弼，予而孟君亦靈，趙君鐵山，胡君瑞五副之。以最近趙志纂於光緒十二年，爰自是年起迄宣統三年止，凡二十六年得書八卷，是爲續志。惜稿甫脫，未及鈔版而安公解組，局事遂歸停頓。予維志也者，史之流也。周禮春官小史掌邦國之志，今國史一統志是外史掌

太谷縣志序

太原德和信代印

四方之志，今直省通志及府州縣志是。漢以前如周書鄭志久已渺焉無徵。班孟堅仿史記八書而爲十志，其一曰地理。范蔚宗改名郡國實亦志地理也。若郡國書之稱志，則自晉常氏據華陽國志始。惟志之於史，紀載雖同而褒貶則異。據事直書，義例自見。安公續纂太谷縣志，意誠美矣。顧其書僅截至清末而止，而共和肇興將近二十年，因革損益，政體變遷，應增加者視續志爲尤夥。爰集士紳議纂新志，僉曰莫爲之前，雖美弗彰；莫爲之後，雖盛弗傳。安公續舊志於前，我公撰新志於後，均煌煌乎盛典也。而今之舉爲尤要，蓋自入民國以來，百廢俱舉，政具畢張，太谷以汽路

交通教育發展商賈雲集之區駸駸乎已進二等縣爲衝繁大邑矣烏得無志予曰 安公宰谷前後凡九年其於文化也則正祀典修雅樂宗聖學廣學校勤月課興禮讓厚風俗於武備也則修城浚池月考武術組保衛團練在鄉軍里編保甲城嚴團警至厲行六政屢辦要差保存古蹟提倡公益公園市場次第成立均爲之不遺餘力而庚申辦賑之舉家誦戶絃雁門遼縣之警軍輯民安其政蹟昭昭在人耳目間久道化成於斯爲盛予自維不敏握篆以來兢兢業業夙夜祇懼凡前人之流風善政則將護之唯恐失其有怠荒叢脞積久弊生者則補苴罅漏彌縫闕失休養生息

太谷縣志

序

二

太原德和信代印

與民更始其間如北伐之役與夫歷次軍費特捐糧秣附加年徵銀近百萬圓諸承地方紳民愛助幸免隕越雖未敢云政簡刑清亦庶幾乎民安俗易此則予之可告無罪於箕城父老者也至此次纂志予以胡君瑞五前襄編輯熟掌故因敦請君主持局務并總攬編纂之任書分八卷首列方輿圖而以外編殿其末其編輯也根據前志及續志間參照省頒條例斟酌去留詞章必取其簡明義例悉衷諸至當縱不足媲美前修然於采風問俗徵文考獻備輜軒之使供國史之資倘亦不無小補焉稿未就適予調署永濟心常耿耿以未及觀成爲憾今冬當局同人以稿成付印走函

徵序時予以事留滯并門因念宦迹半生文墨久荒正如歷冬枯
葉雖經暖風其不能吹噓上枝也明甚惟重違諸君意且喜太谷
新志之幸得告成也爰書其緣起以告谷人士并與後來宰谷者
共勉焉是爲序

民國十九年歲在庚午孟冬之月簡任職前署理太谷縣事東光
劉玉璣小瀛甫叙於并垣旅次

太谷縣志

序

新修太谷縣志序

太谷古號陽邑爲箕子故里其忠貞義烈之風彪炳史冊代有傳人而經商異域講信耐勞足迹遍天下執各大埠商界之牛耳起家至數十百萬者尤爲谷人之特色故自明以迄有清中葉談三晉富庶之區者無不於谷首屈一指顧繁榮者衰落之始基侈靡者逸欲之媒介自辛亥以還各省商業彫殘煙丹之禍日烈不二十年間而谷之爲谷幾有江山不可復識之感惟古者今之師賢者愚之鏡是在當道者納民軌物舉文獻之有關治道足資邑人之觀感者引伸而表彰之以挽回頹運於不墮余自愧無文方慮

太谷縣志

序

一

太原總和信代印

無術以資啟迪會邑紳等以年來編撰之志書各稿進余不禁爲之喜躍曰吾得所以利導之資矣夫安公僑乙與劉公小瀛續舊志於前增新志於後其編纂體例二君已詳言之惟文獻或有未詳典章或有未備邑人之有功當時其流風遺俗足爲一時之楷模者事實或有未彰旨趣或有未盡乃復爲之博訪週諮補遺正誤意在旌別淑慝移易風尚使邑人之覽是志者知前賢垂創之不易舉凡宿昔不良之陋習一舉而擴清之尤願與邑中紳耆共本是旨交相策勵以恢復二十年前之太谷使中外人士之游是土者有所咨詢則斯志之成可告無愧於古人矣

民國二十年歲次辛未夏六月署理太谷縣事曲沃仇曾祐序

太谷縣志

序

一一

太原德和信代印

新修太谷縣志序

修志非一人事也邑乘雖小擬之國史具體而微舉凡民人政教典章文物無不巨細兼收用資考鏡自非史學專家類皆集衆以成書如唐人之修晉書元人之修宋遼金三史是也明清以來凡修輯志乘有總其成者有分其類者胥用是道蓋集衆人之長以成一邑之典則商榷有人討論有人不惟成書較易亦可少冥行擿埴之譏此吾所以謂修志非一人事也民國十八年春縣長

劉公小瀛奉到 省府轉 國府通飭各縣修志之文卽邀集士

紳籌商豈是當時因前志局所成續稿斷自清代其屬於民國之

太谷縣志 序

太原德和信代印

各門底稿保存數年尙待編纂爰議定就所存底稿開局重修而屬^凝以編纂之事^凝自慙謏劣且於史學茫然未敢冒昧而 公

殷殷委託並出其前在曲沃任內所成新志示之命作參考^凝重

違 公意姑勉應之未幾開局編纂其大略爲表者四爲略者六

爲傳者三爲考者四輿圖冠其首外編殿其末都爲八卷皆 公

所指示而定者排比未半而 公遽調署永濟繼長吾谷者爲

仇公受天對於志事極爲懃懇謂縣志須博採以備約取紀載貴

乎詳贍於是屬張君文山復事採訪俾得合併前志局所存各稿

互證參觀正其誤而彌其闕至屬於行政範圍之因革大端賴縣

府 諸賢佐殷勤錄示尤得其助成之力此所以經十有八月而
粗能告竣也惟是志與史同載筆者必兼三長始可與言志事以
凝之淺陋寡聞一無所長復少總其成分其類者相與商榷討論
而竟率爾操觚參互損益以成是編非不自知其僭妄亦聊副
二公委託期望之意云爾

民國十九年歲次庚午冬十有一月邑人胡萬凝瑞五甫謹序

太谷縣志 序

一一

太原德和信代印

修志職名

鑒定

簡任職升用河北官產總處處長前署太谷縣知事安恭己
簡任職前署太谷縣縣長劉玉璣
調署太谷縣縣長仇曾祐

參閱

承

政

員劉廣恩

承

審

員黃麟元

承

審

員張玉澍

太谷縣志 職名

主

計

員王立業

視

學

員李不謨

實

業

技

士曲純

宣

講

員王學書

清吏部文選司主事己酉科拔

貢趙昌燮

編纂

清

己

酉

科

拔

貢胡萬凝

繪圖

清

太原府

中學

畢業

業歲

貢史大綸

庶務

清度支部郎中附貢 生孟廣譽

常務

清庠 生白公喆

清河南候補縣 丞姚景光

經理

清庠 生李濬

清附貢 生孟繼容

清太原府中學畢業歲 貢孫紹基

太谷縣志 職名

二

太原德和信代印

國民師範畢業 業武耀奎

第一師範畢業 業張守仁

校勘

清光祿寺署 正趙昌愿

清山東試用府經 歷武康年

清通政司知 事孟廣讓

採訪

清庠 生吳崇善

陽興中學畢業 業孫殿基

大學預科畢業 業趙緒堂

清歲 貢喬永名

清庠 生張映江

清庠 生賈桂馨

清太原府中學畢業歲 貢郭漸昌

清歲 貢車書升

清附貢 生楊啟宇

清庠 生張模

清河南汝州州同丁酉科拔 貢喬之植

太谷縣志

職名

三

太原德和信代印

清恩 貢賈琳

清庠 生段良士

清附貢 生張坦

清歲 貢董振樞

清己酉科拔 貢武晉義

清庠生優級師範畢業 業籍敬儀

太谷縣志凡例

一太谷縣志創於明萬歷二十四年知縣喬允升至清雍正七年知縣王廷贊重加刪補乾隆四年知縣王澤沛踵修之三十年知縣高繼允六十年知縣郭晉相繼纂輯咸豐五年知縣章青選增修光緒十二年知縣趙冠卿續修民國十三年知事安恭已續修成續稿八卷今所存者惟王郭章趙四志及續稿而已此次編輯謹依前志及續稿紀載間參以省頒條例損益成書參酌義例期與體制相符非敢妄逞臆見也

一編年紀事爲全書綱領特冠篇首而與年紀極有關係者爲地理沿革因合爲一表以便觀覽

太谷縣志

凡例

太原德和信代印

一表之爲體縱橫經緯所以爽豁眉目省約篇章今官師選舉各門一律列爲表式期合志乘體裁

一疆域沿革山川關隘溝洫津梁及驛路郵電等俱地理志中事也茲冠以地理總目下乃縷分件悉彙列成編其他各門凡可括一切細目者倣此

一田賦爲國家正供陸氏靈壽縣志全書大率簡略而田賦獨詳識者稱之太谷丙戌舊志成於清丈量地畝後故所載田賦甚爲詳盡茲按照劃定區域依舊纂入不敢從略其他一切雜稅

分列於後以見一邑財賦之概畧

一生業關係地方盛衰最爲重要太谷農工各業現雖亟求改進尙無發展商業則頓形彫敝且乏挽救之方茲分別纂輯聊作先導興替墜股企方來地方物產附列於後

一學制自革新後今昔之教育懸殊由清之儒學學堂以至民國之學校宗旨屢易範圍亦漸廣今次第紀之以見教育變遷之由而凡屬於教育各機關運類次及

一冠婚喪祭家禮之大者觀風者即禮可以知其俗故禮俗合爲一門而以方言附於後則一邑之語言習尙可略觀矣

太谷縣志

凡例

二

太原德和信代印

一兵防首歷代兵事次巡警次保衛團商團依次紀之以見武備之不容少忽

一名宦鄉賢各傳一依前志及續稿次第錄入其有補者篇末加一補字爲本屆增入者加一增字以別之

一列女自清以前節烈婦女仍錄前志及續稿原文此次纂修遵照新例凡賢母順婦一律搜採故登載較多其別有小傳者核實無虛即取爲傳文作者姓名仍標篇首以清竇主

一建置志法度古蹟述舊聞茲將屬於法度者彙入營建屬於舊聞者彙入古蹟以免多分題目致無統攝

一舊志藝文類選詩文甚夥茲易爲著述祇載書目不載各體文字至碑銘紀述於事物有關係者分類附入考傳諸體聊備稽考其餘一切文字暫從割愛以俟他日別爲文徵

一祀孔祀關岳典禮現已明令廢止致祭儀文似可從略惟社會間敬禮已久未便遽爾刪去故存祀典一門用誌景仰

一畸言胥說雖無當經綸而有資談助取則失裁棄則可惜今別爲外編附諸卷末庶免雜廁

太谷縣志

凡例

三

太原德和信代印